

عالم حقوق

مُقَابِلَةُ قَوَانِينِ مَجْدُو عَشْرِي

مراى نشر اولتور

مؤسس وصاحبي

کرمیچنه مبعرفی : محمد عارف

انكلتره

مشروطيت اداره

انكلتره نك مشروطيت قديمه سي . — قواي نلشه نك يعني قراليت ، لوردلر وعوام قارهلرينك موازنه سي . — بو موازنه اون طقوزنجي عرصه نصل نظاهر ايتدي ؟ — عوام قاره سنك رجحاني . — قراليت متحده ده اداره عوامك تكامل تدريجي . — انكلتره مه دمشروطيت اولديني حالده حكومت متحده و ايرلاندانك اداره ايدلديكي اساسات اداريه ني محتوي بر قانون موجود دكلدر . انگليز حقوق اساسيه سي عنعنات اوامر حكمداري و معاملات سياسي نك هيئت مجموع سندن مركبر .

انكلتره مشروطيت اداره سنك مقدمه و اساسي ليالي ، تاريخيه ده ، اقتدار حكمدارينك و قتيله انكلتره اطه سي اداره ايتش اولان يدي ساقسون حكومتي زماننده اجتماع ايدن مجلس عموميسنه منتهي اولور . نورماند مظفريتندن صكره انگليزلر غير قابل ترزل بر ثبات و متانتله برلشهرك حريتلريني استر داده موفق اولديلر .

۱۲۱۵ تاريخي [بيوك امرنامه] ، بو خصوصه ايلك خطوه ني تشكيل ايتدي .

بايت امرده كاملاً رهبان و دره بكلردن مركب اولان ايلك شوراي مجلسه اوچنجي هازري زماننده ، ۱۲۶۳ تاريخنده ، قونشلق وعوام اعضالري ده علاوه ايدلدي . برنجي ادوارد طرفندن بر نظامنامه ايله لوردلر وعوام قاره لرينك موافقي استحصال ايدلمكسزين هيچ برسك طرح و توزيع ايدلمه سي و اوچنجي ادواردك بر نظامنامه سي ايله ده قوانين تنظيمي ايچون عوام اهلينك ده رضاسنك تحصيلي لازم اولديني اعلان ايدلدي .

كيوم دوراترك صندالي حكومه قعوديني متعاقب مشهور «حقوق نظامنامه سي» انكلتره نك عصرلردن بري استحصال ايدلديكي مشروطيتي اكمل ايتدي .

انكلتره حقوق اساسيه سي نظرياتيله مشغول اولانلر شو ايكي اساسي قبول

ايديسورلر: (۱) قوه عظيمه نك متعدد هيات متفرقه ومستقبله تفويضي؛
(۲) عموم معاملات قانونيه نك مرعيتي ايچون بو هياتدن هر برينك رضا
وموافقتك لزومي . —

اوج قوت انكترده يكديكريله رقابت ايدر؛ قراليت، لوردلر قاره سي، عوام
قاره سي . فقط اشبو قواي ثلاثه نك موازنه ظاهر سنه رغماً اوج قوتك مناسباني
عصر اخير ظرفنده بك زياده تعديل ايدلدي .

نظرياتده قراليت هر درلو امتيازاته مظهر در . حالبوكه فعلياتده ، اداره امور
دولته ، بك محدود صلاحيتي حائز وهان زعميات عوام پسندانده منحصر در .
قراليت بر شكل خارجي ايله انگليز قومنك شوكت وعظمتي تشخيص ايدر .
حكمدار ، رئيس حكومت ، معاملات عموميه نك منبي ، حيثيت وناموس ملتك
محافظيدر . مراسم مخصوصه سي موجبجه خارجه قارشى ملته وكالت ، حرب
اعلان ، معاهدات عقد وسفر اى اجنيه ي قبول ومجلس مبعوثاني دعوت ومدت
اجتماعيه سي تمديد ايدر . قوانين؛ قرالك تصديق وقبوله اقتران ايتدكجه مجبوري
ومعمولبه اوله ماز . فقط بتون وظائفى قرال ، مجلس مبعوثان حضورنده مسئول
اولان نظاري معرفتيله ايفا ايدر . يالكيز باشنه ، ايستديكي كبي هيچ بر شي
ياپه ماز .

لوردلر قاره سي روحاني لوردلرله بعضيسى حقوق ارثيه ايله وبعضيسى ده
قيد حيات شرطيله وياخود يالكيز بر دوره اجتماع ايچون اسقوجيا واولانده
اصلزاده لردن انتخاب اولنان جسماني لوردلردن مركدر . لوردلر قاره سي ظاهر آ
عوام قاره سنك عيني حقوقنى حائز ايسده فعلياتده قانون تكليف ايتك صلاحيتي
كاملاً غائب ايتديكي كبي امور سياسي نك اداره سنده . مناسبات خارجه نك
تفتيشنه متعلق خصوصيات استثنا ايديليرسه ، بك آز مشاركتي واردر .
اك مهم وظيفه سي ، ايلريده كوره جكمز وجهله ، قراليت متحده نك بر محكمه
عاليه عدليه سي اولمقدر .

اوجنچي قوت؛ كه عوام قاره سيدر . اك زياده حائز نفوذ ورجحاندر .
كوندن كونه آرتان بورججه ، عوام قاره سي ؛
اولا ؛ ويركو طرح وتوزيعنده حائز اولديني حق قطعيسني برصورت منطقيه ده
توسيع ايتك حقنده كي مهارتي ؛

ثانیاً : منتخب قماره نك نفوذ و تأثیرینی تقویه و تزئید و بر صورت مترقبه ده توسیع و انكلمتره ده حیات سیاسیہ فی حال فعالیتہ قویان اصلاحات انتخابیہ : سایه سنده نائل اولمشدر .

انكلمتره حقوق اساسیہ سنده ضمناً قبول ایدیلن بر مطالعہ یہ نظرأ « قرال مكل بر ذاندز . شر ایشلیه مز . » اكر فنالقی یا پارسه آلدینی سوء نصیحتدن . سوء مشاوره دن ایلری کلیر و بناءً علیہ پارلمنتو سوء مشاوره یہ قائلش اولان قوالی طریق مستحسنه دعوت ایده بیلیر .

ایشته بو مطالعہ ضمیمه و کلانك قرالک مشاوره ی اولملری صفتیله پارلمنتویه قارشی مسئول اولملرینی ایجاب ایتدیرر . و نظار ، عوام قماره سی اکثریتك اعتمادینه مظهر اولمق شرطیله موقع اقتدارده قاله بیلیر .

بودجه ی و معاملات قانونیه یی لوردلر قماره سیله اعطای رایه مجبور اولدیغندن عوام قماره سی ، پروسیا و اوستریا ملت مجلسلری کبی ، ایکنجی درجه ده بر قوتی حائز اولمق لازم کلیرسه ده مجلس منتخبك اکثریت آراسنه مظهر اوله مایان بر هیئت و کلانك امور حکومتی اداره ایده میه جکی قاعده اساسیہ سی اولجه قبول ایتدیرلمش اولغله موفقیت حاصل اولمش اولدیغندن عوام قماره سی قوالی مجلسده حائز اکثریت اولان کیمسه لردن ناظر انتخاب ایتمه مجبور ایده جك بر حاله کلمشدر .

حاصلی قرال آز چوق امور اداره یی نظاره ترك ایتمش و نظاره ده اکثریتك آراسنه مظهر یتله مرخصی اولدیغندن حکمدار نامنه اجرای حکومت ایدر .

عوام قماره سنك انتخابندن حق انتخابك توسیعی و بو مجلسك حائز رجحان اولمی عموم ملتك حق حاکمیتی تأمین ایتمشدر .

اون عصر ابتداسنه قدر عوام قماره سنك اعضاسی قوای محلیه نك اوچ قسمی طرفندن انتخاب اولنور .

و بونلردن قونسلق مجلسلری ۱۸۶ . قصبه جماعتلری ۴۶۷ و دارالفنونلر بش اعضا انتخاب ایدرلردی .

شو حالده مبعوثلر دوائر انتخابیه طرفندن تعیین ایدلیوب اهالینك عدد نفوسی و اراضینك وسعتی نظر دفته آلمیه رق بر طاقم ممتاز جماعتلر طرفندن انتخاب اولونوردی .

بونك ايجون قماره ده برمنغام ، ليور پول ، مانچستر كې بيوك تجارت مركزلری
اولان شهرلك مبعوثی بولنديني حالده اهميتسر ، يكرمی، اوتوز متخبي حاوی
برمحللك ايكي اوج مبعوثی بولنوردی .

بالكز قونسلق مجلسلری و بعض بيوك قصبه جماعتلری برانجمن انتخاب
تشكيلنه كافي مقدار متخبي حاوی اوليور. فقط حق انتخاب ، محلنه كوره تبدل
ايدن شرائطه ، وبالنسبه مهم اموال غيرمنقوله تصرفه ، تابع اولديغندن ،
اصحاب امتيازندن ده پك محدود كيمسهره منحصر ایدی .

بوندن بشقه انتخاباتك اصول و طرز اجرا سيده منتخبلرك حریت حرکاتی
سلب ایده جك بر حالده ایدی : آچيق و واسع بر محله طوپلانيله رق (شريف)
تعبير اولنانك بيوك مأمور نامزدلری توصیه ایدیور و منتخبلرده اولغبللك كورلتی
آره-نده اولنره رأی ویرردی.. و نامزدلر منتخبلری قورقوتمق و باره ايله رأی آلمق
امكانتی حائر ایدی .

رقبيل بعضاً يومروق دو كوشنده مهارتی اولانلری استحصال رأیده اجرته
استخدام ایدرك مقصدلرینه نائل اولمغه چالیشیرلردی . انتخابات الافراغه ساعت
طقوزدن درده قدر دوام ایدر و ساعتده برمنتخب رأی ویرمكدە اولديغندن
انتخابات كونلرجه سورردی . و بو حال كورولتیلی انتخابات ايجون منتخبلر حقتده
استفاده بخش برایش اولور. و رأیلر مزادهيه وضع اولنور. اشتراً اراكيفيتي پك
آچيق جریان ایدر ایدی . حتی بعض مملكت منتخبلری رأیلرینی علناً موقع
فروخته وضع ایتدكلری ده واقع اولمشدر .

اصلزاده لردن ، مليونرلردن تشكیل ایدن بر مجلس ، مملكتك وکیلی اولیوب
بر هیئت مالیه نك وکیلی اوله جنی آشكاردر .

بر چوق سنه لر دوام ایتش اولان انكتره نك بو اصول انتخابیه سی
قرون وسطادن بری تنسیقات كورمه مش اولديغندن ملت ايجون بر باركیران
ایدی ... ازمینه مختلفه ده یعنی ۱۸۳۲ ده لورد (جون روسل) ۱۸۶۷ و ۱۸۸۴
تاریخلرنده غلادستون زمانلرنده بو مناسبتلرقلر تحقق ایتدی . و مواقع
مبعوثلرینك یکیدن قیسمی . حریت انتخابیه نك توسیع وانكشافی چاره لری
آرنامه باشلانلدی . و تدابیر مؤثره ده توسل ایدلدی .

بوجهله ۱۸۳۲ سنه سی تنسیقاتی متعاقب قونتلقلرده هیئت انتخابیه نك. تنخی
(۲۴۷۰۰۰) دن (۳۷۰۰۰۰) نه و قصبه لرده (۱۸۸۰۰۰) دن (۲۸۶۰۰۰) ه چیقمش
ایدی . منتخبلر عددینك تزییدی كو چك اصناف، اصحاب چیفتلكات و قونتلقلرده حق
انتخابه مالك اولان اصحاب تجار و از جمله اوزمانه قدر پارلمنتوده اعضا صاحبی
اولمایان شهرلرك بر دائره انتخابیه تشكیل ایلدكلرندن و از جمله شمال و جنوب
حوالی صنعتكارانه سنده کی احوال مالیه دن ایلری کلیوردی .

۱۸۶۷ سنه سی تنسیقاتی متعاقب هیأت انتخابیه قونتلقلرده یوزده الی قصبه لرده
یوزده ایکی یوز و اسقو چیا قصبه لرده یوزده اوچ یوز راده سنده آرتمشدر .

حاصلی ۱۸۸۴ تنسیقاتیله منتخبلرك عددی اوچ میلیون دن بش ملیونه چیقمشدر كه
فضله نك ۱,۳۰۰,۰۰۰ عددی انكترده ده ۴۰۰,۰۰۰ ی ایرلاندا ده و ۲۰۰,۰۰۰
یده اسقو چیا ده حاصل اولمش ایدی . عمله دن صكره . حقوق سیاسیه یه نائلینده
یكون تشكیل ایدن قرا اهاالیسی چیفتجی صنفی ایدی . حتی غلادستون « عدم
قابلیت شخصیه ویا برتهلكه سیاسیه کی مانع اسبابك فقدانی حالنده كنیدسی هر
شخص اداره حكومه اشتراك ایده بیلیر . » دیمشدر .

عوام قاره سی اعضالرنك صورت انتخابی بحثده حق انتخابك انكلیز قوانینی
موجبجه تابع اولدینی شرائط ایضاح ایدیه جكدیر . آنك ایچون شمءیلک یالکینز
۱۸۸۴ سنه سی تنسیقاتنك قونتلقل و قصبه لرده عینی اصول انتخابیه نك اجراسنی و هر
سنف اهاالیدن هر الی بیک شخص ایچون بر مبعوث تعیننی تأمین ایتدیکی کی
انكترده حكومت عوام صوك درجه ده تقویه بولمق ایچون كوندن كونه اصول
انتخابیه تكمل ایدرك همان آرای عمومییه مراجعت درجه سنه تقرب ایتمشدر .

خواص حكومتنك اك مكمل بر نمونه سی تشكیل ایتكملة مشهور اولان انكترده ده
اهالی حكومتدن بحث ایتك احتمال كه غریب كلیر . فقط هیأت انتخابیه نك تبدلی
انكتره معاملات و شرائط حیاتیة سیاسیه سی بویوك تحولاته اوغراتمشدر . اسکی
زمانك ممتاز منتخبلری یرینه حالاً عوام اهاالی قائم اولمشدر . شهرلرده قصبه لرده پای تختك
قوتی نه قدر عظیم اولورسه اولسون و عنعنات تاریخیه نه قدر موقع محترمه طوتیلورسه
طوتلسون عمله اكثریتی دائما تشكیل ایتكمده در .

موسیو (اوداین)ك صنایعه ده بیوك بر اتحاد ملی تشكیلی ایله نتیجه پذیر اولان

تشبثانده و تعاون شركتسرينك حال ترقى به باشلايدندن برى عمله جمعيتلى انكتره قدر هيچ بر پرده كسب قوت ايدمه مشدر .

انتخاب ايله جراى حاكيت ايدن ملتك تنور و تعلم ايتمى لزومى پك طيعيدر .
تدريسات ابتدايه مجبورى اولدى . كمال اهميتله انتشار ايدن معارف افكار عموميه نك ناظمى اولدى . بر حررت مكملة سايه سنده نفوذ معارف ، شايان حيرت براهونيتله تعميم ايدن كتب و رسائل واسطه سيله انكشاف ايدرك بتون دنيا نك حيات سياسيه واقصاديه سنى نشر ايدر .

عين زمانده انكليز مطبوعاتى عوام ايجون قيصه و متهيج جمله لر بوله رق فرقه لر و لوله انكيز بر صورتده خدمت ايتدير مكدد ديكر جهتندن ده فرقه لر مركز و محلى شعبه لر يله تشكيلات دائمه لر ينى تأسيس ايتكدد ايديلر . حاصلى انكتره حكومتى ظاهر آ مراسم و عنعنات عتيقه يى محافظه ايتمكه برابر حقيقتده اهالى طرفندن منتخب بر مجلسك حاكيمىنى تأمين ايتمك عادى طرز مشروطيتدن حقيقى بر حكومت مبعوثيه شكلنه كچمشدر .

شوراسنى ده علاوه ايدم كه نيم عمومى انتخاباتك ايلك تطبيقى محافظه كار فرقه سياسيه نك موقع اقتداره كچسى ايله نتيجه لندى .

عصر لر دن . تام ۱۶۷۹ تاريخندن . برى انكتره ده ايكي فرقه سياسيه ، محافظه كار و احرار . مجادله ايتدى . (۱۸۳۲) و (۱۸۶۷) سنه لرى تنسيقات انتخابيه سى نتيجه سنده احرار فرقه سى موقع اقتداره كچمرك و سانسك اداره مدبرانه لرى سايه سنده حائر رجحان اولمشدر . ۱۸۸۴ سنه سندن ۱۹۰۶ تاريخنه قدر انتخاب ، دائما محافظه كار لره مساعد اولدى .

شونى ده بيان ايدم كه بو نتيجه بر طاقم اسباب خصوصيه دن نشئت ايدوب حد ذاتنده قراليت متحده ده عوام كوندن كونه كسب قوت ايتمش وحتى محافظه كار لره زماننده بيله بو ترقى دوام ايتمشدر .

ايرلاندا نك وضعيت مؤلّمه سندن مؤسف و ايرلانده مبعوثلرينك ماهرانه اداره لرندن متحصل مشكلاتدن بيحضور اولان غلادستون ايرلاندا ليله رضيه ويرمك ايستدى . و اونلره برابر ايرلاندا ده صلحك تأسيسى تأمين ايتمك ايجون امور مشتركده انكتره ، حاكيمىنى محافظه ايتمك شرطيله ايكي مجلسدن و بر قوه اجرائيه دن

عبارت بر حکومت محلیه تشکیلاتی تنسیب ایستی . فقط انکلتره افکار عمومی‌سی صورت قطعی‌دهه بوفکره دشمن اولدی . اووقته قدر غلادستون رئیس طایمش اولان احرارلر آره‌سندن یکی بر فرقه . اتحاد فرقه‌سی ، تشکل ایستی . و بر طرفدن مارکی هارتینگتون کی لیرال فرقه‌سنک عنعناتی ایله مشبوع و دیگر جهندن مذکور پارتینک ایلك صفحه‌سنی تشکیل ایدن مفرطلر برمنغام مبعوثی . ژوزف چبرلاینگ اداره‌سنده تجمع ایستی . و بو وجهله محافظه‌کار و احرار فرق سیاسی تاریخی‌سندن بشقه اتحاد فرقه‌سی نامیله اوچنچی بر فرقه‌ده تأسس ایستی .

محافظه‌کارلرله و بالطبع اتحاد فرقه‌سی افکار اهالی‌یه ده‌ها موافق اولدیغندن مظفریت‌ده اونده قالدی . بوفرقه پروگرام اولمق اوزره انکلتره ایمپراطورلغنک وحدتی تأمین و اهالی‌نک احوال و شرائط اجتماعی‌سنی تنظیم ایتمکی قبول ایتمشدی . حالبوکه غلادستون ایرلانداده ویریه‌جک مختاریت اداره . قرالیتک اقسام مختلفه سائرهنده قابل تطبیق اوله‌بیلوب ایجابنده مستملکات دخی داخل اولدینی حالده بیوک بر حکومت متفقه تشکیلاتی تصور ایدیور . و اتحاد فرقه‌سی ایسه انکلتره ایمپراطورلغنک محافظه وحدته چالشمله برابر مادر وطن اولان انکلتره ایله مستملکات بیننده کی مناسبات و روابطی تقویه ایتمک دعواسنده بولنیور و حسیات ملیه‌یی برطاقم الفاظ و تمییرات متبیجه ایله تحریک ایدیورلر ایدی . غالبیت و مظفریت واسطه‌سیله مستملکاتک توسیعی ، اوزرنده کونش غروب ایتمه‌جک درجه‌ده توسیعی لزومی . ان ایده‌رک ملتک مظهر ستایشی اولویوردی .

ایشته بوسیاسیت (امپریالیزم) نامی آلدی . قرالیچه و یقتوریانک هندستان ایمپراطوریجه‌سی صفتی احرازیله باشلایان بوسیاسیت ترانسوال محاربه مؤلمه‌سی ایله‌ده تعقیب ایدلدی . فقط حسیات ملیه‌یی تحریک و یک بهالی‌یه مال اولان سودای عظمت امپریالیزمک اسکی احرازه مظفریتی تأمین کفایت ایتمدی و هر نه قدر مفرطلر ، محافظه‌کارلرله اتحاد ایتمش ایسه‌لرده و عمله کوبیلرک شرائط مادی‌لر نده تصویر ایستکلری صلاحی قبول ایستیره‌مدکلرندن انکلتره‌ده عوام حاکیمته دوغری ترقی ایدن قوت و حرکت محافظه‌کارلرک موقع اقتداره کچمیرینی توقیف ایده‌مدی ، مانع اوله‌مادی . انکلتره حیات سیاسی‌سنی دکیشدیرن حق انتخاب صورت تدریجیه‌ده هیأت عوامک‌ده قبوله دائر اولان تنسیقاتدن صکره تشکیلات محلیه‌لرده فرق ایدیله‌جک

صورته بر تکامل ، بر تبدل حصوله کادی . اون طقوزنجی عصرک
ابتدالرنده (حکومات محلیه حقیقته زادگان حکومتدن بشقه بر شی
دکادی . بعض امتیازی شهرلر وقصبهلر هیأت بلدیهری معرفتیه
اداره اولنوردی . فقط مملکتک دیگر قسمی ، عموم قرا ، عموم شهرلر
ماضیده حائر امتیاز اولدقلری ایچون بوکبی حقوق سیاسیه دن محروم ایدیلیر .
سلیس عسکرینه فخری قوماندایتمک صلاحیتی حائلورد لیوته نالن ایله
بویوک املاک اصحابندن حکومتجه انتخاب اولنان صلح حاکمیری طرفندن مجازاً
مملکت اداره اولنور ، اجرای عدالت ایدیلور ، واردات و مصارف محلیه حقنه
قانون عمومی موجبجه علاقه دارندن وکالت آلمغه حاجت اولمقیزین رأی ویریلوردی .
اخیراً کمال ایدلمش اولان ۱۸۸۸ تاریخی حکومت محلیه نظامناسنده صلح حاکمربنک
یالکیز وظیفه عدلیهری ترک ایدیلهرک اقتدار اداری و مالیهری مجالس منتخبه
عمومیه ویرلدی . محافظه کار اتحاد فرقه سنک حکومت عوامک ترقیسی حقنده کی
فکر احرارک موقع اقتداره کچمسی احضار ایدیور و مستملکات ناظری مستر
جبرلاینک حمایه حقنده کی نظریه سی رقیلربنک موفقیتلرینی تعجیل ایدیوردی .
غریبدرکه احرار فرقه سنک سبب سقوطی اولان عینی بحران اتحاد فرقه سی
ایچونده بر بحران عظیم تشکیل ایدی .

مستملکات حقنه حمایتکارانه بر تعرفه تنظیمی ایله محصولات اجنبیه بازار
ملینک سدی اوزرینه تأسیس اولنان وابتدا مظهر تقدیر اولان امپریالیزم پولتیقه
سنی رو بریلدن اعتباراً انگلیزلره پک نافع اولان و التمش سنه قدر انکلتربه عظیم
ثروت ادخال ایدهرک دنیانک انباری حاله وضع ایدن اساساتی انکار ایتمکدن
بشقه بر شی دکادی ... اهالی ده مهلاک وقوعاته طوغری سوق ایدلدکلرینی
ومملکتک حیات اقتصادیه سی دوچار نخطاط اوله جغنی اکلا دی حالوکه مستر
جبرلاین کندی حمایه پولتیقه سنه بر جریان ویرمک ایچون قابینه دن چکیلیور ،
وباش وکیل موسیو بالفورده اسکی مستملکات مستشارینک اصول مالیهرینه دائر
اولان لایحه لرنده شایان قبول بعض نقطه لر بولمغه چالیشیوردی . دیگر جهتدن
احرار فرقه سی کمال شدته سربستی تجارت و معارف نظامنامه سی کی بعض اساسلره
معارض بولمسنندن ناشی حرمت عمومیه یی جلبه موفق اولدیغندن محافظه کارلر

۱۹۰۵ سنه سی کانون اولنک دردنجی کوئی رئیس مسترقامیل بازمان اولان احرار فرقه سنه ترک موقع ایتمهک مجبور اولدیلر. ۱۹۰۶ سنه سی کانون ناینک سکزنده مجلس مبعوثان داغیدیلررق انتخابات اتحادفرقه سنک اورته دن قلمسی ومحافظه کارلرک مغلوبیت کامله لری ایله نتیجه لندی. شمیدیکی مجلس مبعوثان ۳۸۳ احرار قارشی ۱۵۷ محافظه کار. ۸۴ ملی ایرلاندلی و ۴۶ عمله فرقه سی اعضاسندن مرکبدر. عمله فرقه سنک محنه سیاسته چیقیمی صوک انتخاباتک ثمره جدیده سی اولدی. اووقته قدر انکلز عمله سنک مجلس مبعوثانی تشکیل ایدن زادکان واصناف صنفک مطاوعتکار وتابع تاریخیسی اولدیغه دائر بر فکر عمومی موجود ایدی ... فقط مجلسده ۱۸۸۵ تاریخنده بش و ۱۹۰۰ ده اون اعضاسی بولنان بوفرقه اعضاسی یکدن قرق سکزه چیقاردی.

اشبو فرقه نک رئیسی بولنان موسیو جون بورنس برقاچ سنه اول عادی برخطیب فرض ایدیلیرکن که بو کون سعی وعملک پک بیوک برقسمنی اداره ایدیور. حالوکه مفرط سوسیالیستلر اونک رقیب اولان موسیو کرهاردی ایله مستقل عمله فرقه سی تشکیل ایلور.



انکله ره مشروطیت اداره سنک تاریخی صورت سطحیه ده تدقیق ایدیلرچک اولورسه بو کون موجود اولان تشکیلات اساسلرینک پک قدیم تاریخی اولدینی کوریلور. و او اساسلرک الآن محافظه ایدلمکده اولدینی اکلاشیلیر سده تعمیق کیفیت ایدلمکده اهلینک حریت منوره سی وفکر عملینک موجودیتی وهیئات عوامک اعتیادات عاقلانه لری سایه سنده حقیقی بیوک تحولات وتکملات وجود بولدینی حالد برکونا اثر شورش کورلمه مشدر.

بو تکملات اهلینک سویه عرفان ومدنیتی ایله متناسباً حس ایدلمیه چک درجه ده تدریجی و فقط متین اساسلره ابتنا ایدلمشدر ... قرالیت موجود اولمغه برابر قوانینک اکلنده بر وظیفه ضمیمه یی حائر اولوب امور اداره یه قارشاز. لوردل قاره سی امتیازات قدیمه سی ماضینک، تاریخک شانلی برخاطره سی اولمق اوزره محافظه ایدیور. حقیقته انکله ره حاکم یکانه، تنسیقات

انتخابیه امتیازلی متخبرلرک امتیازلری قالدیرهرق انتخاباته عموم ملئک اشتراکی سایه سنده عوام قماره سیدر .

برجوق عصرلردن بری انکلتره مرکز حریت ایدی حتی لورد قائم :
[انکلز عمله سنک کلبه سنه فورطنه ویغموور کیره بیلیر . فقط قرال کیره مز .] دییوردی
لکن عمله حکومت ایشنده قاریشه میوردی .

اون طفقوزنجی عصر تشکیلات اجتماعی تیجید ایتدی حریت مدنیهدن
صکره حریت سیاسیده بخش ایتدی . انکلیقان مذهبنده اولیانلری ، قتولیک
وموسویلری حقوق سیاسیهدن محروم ایدن مساواتسزلق اورتهدن قالدی .

انکلترده اسکی زماندن بری حکمران اولان زاده کانلغک یرینه عوام
حکومتک تأسس ایتدیکی ایلک نظرده اکلاشیلیر بوانکار بداحتی انکاردر .
بناء علیه انکلتره تشکیلات سیاسیسنی تدقیق ایتزدن اول حکومت پارلمنتو ،
اداره محلیه وعدلیه سندن بحث ایتک وبونلری ایضاح وتفصیل ایتک لازمدیر .

